

सुमे॒ स्थः सुमे॒ मा धत्तमि॒ति सा॒ध्यौ स्थः साधौ॒ मा धत्तमित्ये॒वैतदा॒ह ॥ २७ ॥
ब्राह्मणम् ॥ १ [८. ३.] ॥ ॥ अध्यायः ॥ ८ ॥ ॥

स यत्रा॒ह । इषि॒ता दै॒व्या हो॒तारो भद्र॒वाच्याय प्रे॒षितो मा॒नुषः सू॒क्तवा॒काये॒-
ति यदु॒तो हो॒तान्वा॒ह सू॒क्तऽ-इ॒व तदा॒ह य॒जमान॑यि॒वैतदा॑शिष॒माशा॒स्ते तद्वा॒ऽए॒-
तदु॒परि॒ष्टाय॑ज्ञस्याशिष॒माशा॒स्ते द्वयं॑ तद्य॒स्मादु॒परि॒ष्टाय॑ज्ञस्याशिष॒माशा॒स्ते ॥ १ ॥ यज्ञं
वा॒ऽएष॑ ज॒नय॑ति । यो य॒जतऽए॒तेन॑ कृ॒ता ऋ॒त्विज॑स्तन्व॒ते तं ज॒नय॑त्यथाशिष॒-
माशा॒स्ते ता॒मस्मै य॒ज्ञ आशिष॑ सं॒नम॑यति यामाशिष॒माशा॒स्ते यो मा॒जीज॑नतेति
तस्माद्वा॒ऽउ॒परि॒ष्टाय॑ज्ञस्याशिष॒माशा॒स्ते ॥ २ ॥ दे॒वान्वा॒ऽएष॑ प्रीणाति । यो य॒जत
ऽए॒तेन॑ य॒ज्ञेन॑ऽग्नि॒रिव॑ तद्य॒जुर्भिरिव॑ तदा॒हुति॑भिरिव॒ तत्स दे॒वान्प्री॒त्वा ते॒ष्वपि॒वी
भव॑ति ते॒ष्वपि॒वी भू॒वायाशिष॑माशा॒स्ते ता॒मस्मै दे॒वा आशिष॑ सं॒नम॑यति यामा॒-
शिष॑माशा॒स्ते यो नो॒ऽप्रैषी॑दिति तस्माद्वा॒ऽउ॒परि॒ष्टाय॑ज्ञस्याशिष॒माशा॒स्ते ॥ ३ ॥ अथ
प्रति॑पद्यते । इदं द्या॒वापृ॑थि॒वी भद्र॑मभूदिति भद्रं कृ॒भूयो य॒ज्ञस्य॑ स॒ऽस्याम॑गन्ना॒र्ध्म
सू॒क्तवा॒कमु॒त नमो॑वा॒कमित्यु॒भयं वा॒ऽएत॑द्यज्ञ ए॒व यत्सू॒क्तवा॒कश्च नमो॑वा॒कश्चा॒रा॒-
त्स य॒ज्ञम॒वि॒दाम॑ य॒ज्ञमित्ये॒वैतदा॑ह्ये त्वं सू॒क्तवा॒गस्यु॒पश्रु॑ती दि॒वस्पृ॑थि॒व्योरित्यग्नि॑-
मे॒वैतदा॑ह त्वं सू॒क्तवा॒गस्यु॒पश्रु॑ण्वत्यो॒रन॒योर्द्या॒वापृ॑थि॒व्योरित्यो॒मन्व॑ती तेऽस्मि॒-
न्य॒ज्ञे य॒जमान॑ द्या॒वापृ॑थि॒वी स्ता॒मित्य॒न्नव॑त्यौ तेऽस्मि॒न्य॒ज्ञे य॒जमान॑ द्या॒वापृ॑थि॒वी
स्ता॒मित्ये॒वैतदा॑ह ॥ ४ ॥ शं॒गवी जी॒व॒दानू॑ऽइति । शं॒गवी ते जी॒व॒दानू॑ स्ता॒मित्ये॒-
वैतदा॑ह॒त्रस्तू॑ऽअप्रवेदेऽइति मा॒ह क॒स्माच्च॑न प्र॒त्रासी॑र्मी तऽइदं पु॒ष्टं क॒श्चन॑ प्र॒वि॒-
द॒तेत्ये॒वैतदा॑ह ॥ ५ ॥ उ॒रुग॒व्यूती॑ऽअभयंकृ॒तावि॑ति । उ॒रुग॒व्यूती॑ तेऽभ॒ये स्ता॒मित्ये॒-
वैतदा॑ह वृ॒ष्टि॒द्यावा॑ री॒त्यापे॑ति वृ॒ष्टिम॑त्यौ ते स्ता॒मित्ये॒वैतदा॑ह ॥ ६ ॥ श॒म्भु॒वौ म॒-
यो॒भुवा॑वि॒ति । श॒म्भु॒वौ ते म॒यो॒भुवौ॑ स्ता॒मित्ये॒वैतदा॑हो॒र्जस्व॑ती च प॒यस्व॑ती चे॒-
ति र॒सव॑त्यौ तऽउ॒पजी॒वनी॑ये स्ता॒मित्ये॒वैतदा॑ह ॥ ७ ॥ सू॒पच॑रणा च स्व॒धिच॑रणा